

22.223



330.394

F - 55

ԱՄ

Պրոլետարներ բոլոր երկրների միություն

62

Գ Բ Տ

05 FEB 2007



ԳԻՒՂԱԿԱՆ ՀԱՄԱՅՆՔԻՑ ԴԵՐԻ

ՍՊԾԻԱՀԻԱՏԱԿԱՆ ԿՈՄՄՈՒՆ

1003
ԴԿԱ



ՊԵՏԵՐԲՈՒՐԴ
1919 թ.

I.

Եատ հին ժամանակներում մարդիկ կոմմունական կամ համայնական կեանք են վարել. նոքա միասին են տիրել իրենց բոլոր ունեցւածքին — հողերին, ընակարաններին, ընտանի կենդանիներին և այլն: Այդ կեանքի մնացարդները մինչև օրս էլ պահպանւել են, որպիսի է զիւղական համայնքը: Հողատիրութեան համայնական ժեւ. դա ժողովրդի գոլութեան կռւի նախնական եղանակն է. դորա պատճառներից մէկն է եղել մի հողմից այն, որ Ռուսաստանը հարուստ է եղել աւազակներով վիստացող անանցանելի անտառներով և «կտրիճ հրոսակներով» լի՝ անժայը տափաստաններով: Այդ ամենը, առատ աղբիւրների սակաւութեան հետ մէկտեղ, ստիպել է մարդկանց հնում միմեանց մօտ ապրել, սովորեցրել է նոյս միասին աշխատել, նմանապէս միասին պաշտպանել և յարձակումներ գործել: Յետազայում ռուս զիւղացու համակեցութեան և ընդարձակ տարածութիւնները օգագործելու համայնական սովորութներին աւելանում են պետութիւնը, պետական գանձարանի պա-

Հանջները, որով գիւղացիք պարտաւորուում են այս կտամ այն հարկը վճարել, գիւղական համայնքի ընդհանուր երաշխաւորութեամբ: Եւ այդ հանգամանքը վարժեցնում է գիւղացիներին իրար մէջ հաւասարապէս բաշխելու «պետական» բեռներն ու այն աղբիւրները, որոնցով կարելի է վճարել այդ հարկերը, այսինքն՝ մշակելի հողերը:

Առու գիւղացիք նախնական շրջանում հողագործութեան հետեւեալ սիստեմներն են բանեցնում. անտառների նկատմամբ նոքա գործ են ածում տեղ բանալու, իսկ տափաստանների նկատմամբ՝ ազատ տեղ թողնելու սիստեմը: Անտառներում նոքա կտրում, այրում են ծառերը և մոխրով պարարտացրած դաշտում երկու-երեք հունձ քաղելուց յետոյ՝ թողնում անցնում են ուրիշ տեղեր, իսկ տափաստաններում վարում են անմշակ (խամ) հողը, շարունակաբար մի քանի հունձ են քաղում և ապա անցնում են նոր վալրեր: Մարդկանց շատանալովք, ի հարկէ, աւելի և աւելի յաճախ են ստիպւած լինում վերագառնալու նախկին տեղերը, որոնք մի անդամ արդէն ենթարկւել են կուլտուրացի, բայց 3—2—1 տասնամեակների ընթացքում լաւ հանգիստ են առել: Այդ տեսակ հողերը տեղական զանազան անուններ են կրում: Ճիշտն ասած, հողերի անսահման տարածութեան այս շրջանում երկրագործութեան ոչ մի սիստէմ չի եղել: Տաղել է միայն թալան, որը սակայն, ամենեին չի նւագեցրել հողի պտղաւէտութիւնը, որովհետեւ հողն ազատ մնալուն պէս՝ պտղաւէտութիւնը վերականգնել է: Այս տեսակ սիստեմների մնացորդները պահպանւել են Ռուսաստանի հիւսիսացին նահանգներում, մասամբ նաև

հարաւ սրեւեան երկրներում և Սիբիրի տեղի ընդարձակ մասերում:

Երկրագործութեան հետեւեալ շրջանը երկհերկ սիստեմն է, որը կախումն է ունեցել և հիմա էլ դեռ ևս կախումն ունի բոլոր անսակէտից. մի մասում գարնանցանն է, իսկ միւսում՝ աշնանացանը, և այդպէս շարունակուում է տարեցտարի առանց հանգստի, բացի այն, որ հացի հետ մէկ տեղ ներթուկ փոխուում են նաև հողի տարածութիւնները: Ինքն ըստ ինքեան հասկանալի է, որ այդ միատեսակութիւնից, վերջի վերջոյ 5—10—20—40 տարի յնտոյ, նայելով պտղաբերութեան, հողն ուժասպառ է լինում և գորա առաջին նշանն այն է, որ հացարոյսը խոտով է ծածկուում, և տարիներ են պատահում, երբ վերջինս բոլորովին խեղգում է հացը: Հողագործութեան այդ սիստեմը նկատելի է ամբողջ Թէրէկի, Դօնի և Կուբանի շրջաններում, նմանապէս թափառականների տափաստաններում և Սիբիրում:

Երբ հողի ուժասպառութիւնից առաջացած անբերթիւնն ու հացարոյսերի խոտով ծածկուելու հանդամանքը դարձնում են երկրագործութիւնը ոչ միայն վնասակար առևետրական տեսակէտից, ալլ չեն աղաւհովում նաև տնտեսութեան սովորական պահանջները, այն ժամանակ հանդէս է գալիս երրորդ սիստեմը — եռահերկը, որը տարածւած է ամբողջ Ռուսաստանում, բացի Բալտիկեան ծովափնեալ շրջանից, ուր արդէն բազմահերկ սիստեմն է տիրում: Երկներկ սիստեմից զէպի եռահերկ անցումը ներկայուումս կարելի է նկատել, օրինակ, Կուբանի շրջանի զաղախների մէջ, մասամբ Դօնի և տեղական թէրէկի շրջաններում, նմանապէս նաև Սիբիրում:

Այդ սիստեմում երրորդ մասը հանդիսաւ է թողնուում, որը կամ վարած գրութեամբ է մնում և կամ որպէս արօտավայր՝ արածելու համար. Երկու միջոցն էլ առաջնում են հողի հանդիսաւ, ոչնչացնում են անպէտք խոտը և մասամբ պարարտացնում հողը: Այս ամենն այն աստիճան բարձրացնում է պաղաւետութիւնն ու հացի որակը, որ ստիպում է նոյն իսկ ամենայամառ համայնքներն անգամ թողնելու երկներկ սիստեմը: Պէտք է, ասել, որ ընդհանրապէս դէպի եռահերկ սիստեմն անցնելու գործողութիւնը խիստ դանդաղ է կատարւում. 5—10 տարի է անցնում մինչև որ համայնքի անդամները համաձայնութեան են դադարիս և համապատասխան պայման են կապում, ապա 2—3 տարի էլ անցնում է վարելահողը մասերի բաժանելու համար, որ հնարաւոր է հնձից յետոյ:

Սիստեմերի յաջորդական փոխարինութիւնն առաջ է եկել ամբողջապէս տնտեսելու սովորութիւնից, հողի առատութիւնից և այն հանդամանքից, որ հողը անդադար անող բնակչութեան համեմատութեամբ սկսել է նւազել: Համեմատական նեղւածքը ստիպել է մարդկանց նախնական սիստեմներից (անտառների ծառերը կտրելով վարելահող բանալու և տափաստաններում աղատ տեղ թողնելու սիստեմներ)՝ անցնել դէպի երկահերկը, իսկ յետադայ նեղւածքը՝ երկահերկից դէպի եռահերկը: Իսկ մեր ժամանակի նեղւածքը ստիպում է անցնել քառահերկ սիստեմի, որ բաղմահերկի այլուրէնն է կազմում: Ինքն ըստ ինքեան հասկանալի է, որ այդ սիստեմները բացարձակ (աբովիւտ) չեն եղել և չեն ոչ միշտ և ոչ էլ ամեն տեղ. օրինակ դոքա բացարձակ

(աբովիւտ) են կամ բացառաբոլ մեծամասնութիւն են կազմում ներքին Ռուսաստանում, մինչդեռ ծալրագաւառներում միաժամանակ միենոյն համայնքներում կարելի է հանդիպել թէ նախնական (անտառներ կտրելու սիստեմ), թէ երկահերկ և թէ եռահերկ սիստեմների. այդ նկատում է հիւրիսային նահանգներում, ուր վերջին տարիները միենոյն համայնքները մուտք է գործում չորրորդ հերկը արատավայր դարձնելու սիստեմը, որը մեծ մասամբ ընդհանուր ցանքսափոխութեան մէջ չի մտնում, այլ գործադրում է առանձին հողամասերում: Իսկ հարաւ արևելեան երկներում կարելի է միաժամանակ հանդիպել ազատ թողած հողի (պերեօր) երկներկի, եռահերկի և տեղ-տեղ արօտավայրի, որպէս միզբն քառահերկի: Այդ ցուց է տալիս, որ ծալրագաւառներում սիստեմների էվոլյուցիան դեռ հեռու է իրականացումից:

Հետզհետէ նւազող հողերի խնայողութիւնից առաջ է գալիս ոչ միայն հողագործութեամ սիստեմների փոփոխութիւն, այլ և փոփոխում են համայնական հողերի օգտագործութեան ձեւերը: Հողերն առատ եղած ժամանակ համայնքներն ընդհանուր առմամբ ամենեին չեն հոգացել կանոնաւորելու հողի շահագործումը, նոցա ամբողջ կոնտրոլը եղել է միայն հակողութիւնը, որ մի համայնքի հողը չանցնի ուրիշ համայնքի կամ վերջինիս անդամների ձեռքը, գոնե մշտական օգտագործման համար: Այս շրջանում ամեն ոք ամեն տեղ ուզած քանակութեամբ կարող է օգտական ազատ հողից, բայց փաստութին շահագործելու պայմանով և ոչ անունով միայն իւրը համարել: Հետզհետէ, ինչ չափով որ կարիք է

զգացւում «նոր հողերի» մշակութեան համար աւելի և աւելի հեռու ընկած հողեր գրաւելու՝ գիւղի մօտիկ հողերի արժեքն այնքան աւելի է բարձրանում, որովհետեւ բոլորի համար էլ աւելի հաճելի է, որ իրենց մասը ձեռքի տակ լինի. ուստի և մերձակայ մշակուած հողերի նկատմամբ սկսում է գործադրուել ընդհանուր վերաբաժանում և համայնքի կոնտրոլ, մանաւանդ որ այս հողերի համեմատ էլ, որպէս աւելի չափածների, հաջաւոր է դառնում աւելի հաւասարաչափ բաշխել պետական և հարկացին ծանրութիւնները: Համայնքները սովորաբար բաժանում են հողերն ըստ մարդադիմի (արական) և ըստ շնչի (այսինքն ըստ արական և իգական անձանց), եթէ հողերը շահաւետ են և լիովին ծածկում են ծախսերը, իսկ եթէ հողը չի ծածկում կամ հազիւ է, ծածկում նշանակուած պետական տուրքերը, այն գէպօւմ բաժանումը կատարուում է ըստ աշխատող ուժի և ըստ հարկի (ՏЯГՈ): Հողացին վերաբաժանումների ամրող իմաստն այն է, որ համայնական հողերի շահագործումից քաղաք բարիքները հաւասար բաժանվին, միևնույն կերպ հաւասար բաժանվին նաև ծանրութիւնները, որպիսիք են՝ պետական, հողացին, գիւղական — համայնական և այլ տուրքերը: Այդ պատճառով էլ համայնքները, քանի որ հողը բոլորին բաւականանում էր, խիստ գնահատում էին ընդհանուր վերաբաժանումները, որովհետեւ այդ վերաբաժանումների միջոցին ընտանիքների կազմը փոփխութեան էր ենթարկում յօդուտ մէկի և ի վնաս միւսիւ եւ որովհետեւ համայնքի հողերն անսահման չեն, ապա պարզ է, որ վաղ թէ ուշ համայնքի այս կամ այն մասը սակաւահող է դառնում, հետևաբար ինչքան էլ

յաջող և ձշտապահ կերպով կատարւեին այդ վերաբաժանումները, այնուամենանիւ նոյն համայնքների անդամների մեծամասնութեան համար դոքա պէտք է լինէին սակաւահոդութեան հաւասարութիւն: Եւ այդ հանդամանքը պատճառ է դառնում, որ յետագալում, քանի մեծանում է հողի նեղւածքը, համայնքների մէջ վերաբաժանումներն աւելի և աւելի հազւադէպ են լինում և վերջապէս, իբրև մի անիմաստ բան, բոլորովին ընդհատում են, քանի որ ինչքան էլ բաժանեն՝ վերջ ի վնչքոյ, միևնույն է, ցաքանը պտտելու տեղ չի մնում: Վերաբաժանման սխստեմի մեռնելով մուսաստանում շատ համայնքների համար առաջ է գալիս մի նոր վրշան — շահագործումն կամ տիրապետումն ըստ ծուխիւ որը խիստ տարածւած է արեմուտքում և հարաւ արեմուտքում կիտովացիների, բէլարուսների և մալարուսների մէջ: Այս ձևի տիրապետումը կատարեալ մահ է համայնքի համար. բայց մարդիկ զեռ ևս տրադիցիայի հիման վրայ, ըստ սովորութեան շարունակում են տիրել հողին բաժան-բաժան ձևով, ուստի և տիրապետութիւնն ըստ ծուխի դուցէ տիրապետութեան ձևերից ամենավատն է, բայց, ի հարկէ, ոչ այն համայնական ձևի համեմատութեամբ, ուր վերաբաժանումները բոլորովին մեռնում են, որպէս մի անպէտք բան: Համայնական տիրապետութիւնն առանց վերաբաժանման գործողութեան և տիրապետութիւնն ըստ ծուխի, երկուսն էլ հաւասար, կերպով չափականց կարատում, մաս-մաս և ցիր ու ցան են անում հողաշերտերը, որոնք առետրական տեսակէտից ոչ մի հաշիւ չկայ մշակելու, որովհետեւ խիստ շատ ժամանակ է կորչում մէկից միւսն

անցնելու համար և խիստ կորչում է երկրագործական որեւ է կատարելութեան արժեքը: Իսկ եթէ զիւղացիք այնուամենայնիւ չեն թողել իրենց հողաշերտերը, դրա պատճառն այն է, որ նոքա չեն ընկել շահի լետեից, բաւականացել են ամենաչնչին աշխատավարժով. բացի այդ՝ հենց հոգեբանական տեսակէտից այնքան էլ հեշտ չէ անշատւել թէկուզ սեպհականութեան և անկախութեան միրաժից յանձին այն փոքրիկ կտոր հողի, որի շուրջն են անցել զիւղացու մանկութիւնն ու պատճառեկութիւնը, երբեմն իսկ նաև ամբողջ կեանքը:

Սուպիսով ամեն ինչ իր ժամանակն ունի. իր ժամանակին համայնական տիրապետութիւնը վերաբաժանումներով հանդերձ օգտակար է եղել, որովհետեւ հողի լիութեամբ հաւասարեցրել է զիւղացիներին և որոշ սահմաններում աղքատացման (պրոլէտարիզացիա) առաջն է առել. իր ժամանակին համայնական հողատիրութիւնն անօդուտ է դարձել, որովհետեւ հաւասարացրել է զիւղացիներին սակաւահողութեան նկատմամբ և, հետեւարար, խմբովին քայլայել նոցա, օրինակ, արևմտեան և միջին նահանգներում. իր ժամանակին վերաբաժանման գործողութիւնը համայնքների մէջ բոլորովին մեռնում է և համայնքները զլորւում հասնում են մինչև ծխալին հողատիրութեան մեին: Հողի շահագործման էվոլյուցիայի (զարգացման) այս բոլոր աստիճանները հիմա էլ կան թուսաստանում, նոքա ընդարձակ տարածութիւնների զանազան մասերում, և հետաքրքրէր նիւթ են մատակարարում ուսումնասիրելու և նկարագրելու համար՝ թէ խնայելը (ԷԿՈНОՄԻԿԱ) որքան անողոք կերպով է աղջում մարդկանց կենցաղի վրայ: Միային հողատիրու-

թիւնը համայնականի մահն է, ուստի և անկման այն սահմանագիծն է, որից այն կողմը նոյն ուղղութեամբ անցնելու հնար չկայ:

Ո՞րն է հողի շահագործութեան լետագալ աստիքանը: Մինչև պատերազմն ու յեղափոխութիւնը կարելի էր կարծել, որ համայնքը կկազմէ իւր հակապատկերը— ագարակ (խորօ) կղանայ, ինչպէս որ Արևմուտքումն է. ի հարկէ այդ չպէտք է հասկանալ շաբոնական — հասարակ ծեռվ, թէ բոլոր համայնքներն անպատճառ պէտք է աղարակի վերածւէին, որովհետեւ այդպէս պընդել՝ կնշանակի ժխտել իրականութիւնը, ուր տեսնում ենք, որ ուս զիւղացոց համայնքները իւրացնում են կօսպերատիւններ, քառահերկ սիստեմներ և այլ կատարելութիւններ, ապա ուրեմն ինչու պէտք է բոլորն էլ աղարակի վերածւին: Ագարակներն կարսղ էին պէտք գալ ոչ թէ մարքսիստական տրիոդիալի (թէկիս, հակաթէզիս, սինտէզ) իրականացման համար, այլ համայնքն տեղաշարժ անելու համար այն մեռած դրութիւնից, ուր անողոք կերպով բերել հասցրել է նորան խնայողութեան (էկոնոմիկա) էվոլյուցիան:

Ագարակը (խորօ) երկրագործութեան բարւոքման տեսակէտից համայնականի հետ համեմատած՝ պրոգրեսիւերեոյթ է, որովհետեւ աղարակալին տնտեսութիւնը կօսպերացիալի համապատասխան զարգացմամբ հնարաւորութիւն է առլիս գործ տռաջ տանել զիտական եղանակով և գործադրել համարեա բոլոր մէթոդներն ու արդիւնաբերութեան գործիքները, ինչ որ գործադրում է նաև խոշոր անտեսութեանց մէջ: Ագարակատէրն ազատ է կառավարելու, ինչպես որ լաւ է հսմարում. մինչդեռ

ներն աղքատանան: Դորա պատճառն այն չէ միայն, որ բոլոր մարդիկ հաւասար ոյժ, խելք, զանասիրութիւն և այլ ընդունակութիւններ չունին, և ոչ էլ միայն այն, որ գիւղական ընտանիքների կազմն է տարբեր տղամարդկանց, կանանց, երեխանների և այն նկատմամբ, այլ նաև այն, որ գիւղացիք բոլոր մարդկանց պէս տարբեր պայմանների մէջ են գտնուում, թէ կուզ քաղաքների, կայարանների, նաւահանգիստների և այն հեռաւուրութեան նկատմամբ և կամ այն հողի պտղաւէտութեան նկատմամբ, որի վրայ աշխատում են: Այս բոլոր պայմաններից առաջանում է այն, որ ոմանք հարստանում են, իսկ միւսները սնանկանում, որովհետև հացի և ապրանքի դները հաւասար են բոլորի համար, այնպէս որ միւսոյն արժէքի պայմաններում ոմանք յաւելւած են ստանում, իսկ միւսների մէջ պակասութիւն է ստեղծում: Ինչքան էլ հաւասար բաժանուի հողը՝ կենցաղական պայմանների տարբերութիւնը վերանալ չի կարող, ուստի և, մինչև որ չ'անհետանայ անհատական տնտեսութիւնը, մինչև որ գիւղացիք չղաղարեն իւրաքանչիւրն առանձին տնտեսութիւնը, իսկ մեծամասնութիւնը վարելուց, փոքրամասնութիւնը կտանալիք բարեւուրութեան վիճակի մեծամասնութիւնը կ'աղքատանայ, նոյն իսկ հողի համայնացման (սոցիալիզացիա) և աղքայնացման (նացիոնալիզացիա) պայմաններում:

Ենթաղբենք, որ հողը ոչ միայն աղքային սեպհականութիւն է յայտարարւած, այլ նաև հաւասարապէս բաժանւած է գիւղացիների մէջ. բայց այդ գեռ ևս չի նշանակում, որ որոշ բաժին ստացողները բոլորն էլ կարող են ամրող հողը մշակել. երբէք, մանաւանդ մերժամանակում: Համաշխարհային պատերազմը ստեղծել է

շնչաւոր և անշունչ գոյքի, այսինքն՝ տաւարի և գիւղատնտեսական գործիքների այնպիսի ահազին պակասութիւն, որ ոչ մի կառավարութիւն այդ բանում չի կարող էական օդնութիւն հասցնել գիւղացիներին: Բայց այդ, չքաւոր գիւղացիութեան սերմացու է հարկաւոր, որովհետեւ նորա ցորենը սովորաբար չի բաւականանում նոյն իսկ ապրուստի համար: Այդպիսով՝ ամենաարդար չափով հողաբաժին ստանալը գեռ կէս գործ էլ չէ, որովհետեւ միայն հողը չի կարող կերակրել քանի որ պակասում է այդ հողը վարելու գործիքն և ցանելու սերմք: Պարզ է, որ այս կամ այն պատճառով հողը մշակելու կարողութիւն չունեցող գիւղացիների հողաբաժինները պէտք է կիտւեն աւելի զօրեղ հարեանների ծեռքում, որոնք աւելի ևս կհարստանան, իսկ առաջիններն աւելի կ'աղքատանան: Միայն հողի անցումը գիւղացիների ձեռքը, նոյն իսկ առանց փրկագնի, զեռ ևս կարող չէ բարւոքն չքաւոր գիւղացիութեան մեծամասնութեան դրութիւնը: Իսկ եթէ փրկագին ևս նշանակւած լիներ, այն գէպըում գիւղացիների համար միայն նորտութիւն կստեղծւեր:

Թէ ինչ է իսկապէս հարկաւոր չքաւոր գիւղացիութեան վիճակը բարւոքելու համար, այդ թելաղբեց ինքը կեանքը: Ամենից առաջ տեղական Խորհուրդները, ապա հողային՝ երեմն էլ պարենաւորման կոմիտեները և նոյն իսկ կօօպերատիւնները ստիպւած էին իրենց վրայ վերցնել բոլոր զրաւած կալւածքների կառավարութեան գործը — չքաւորների երրեմն էլ գիւղական կոմմունաների վարձովի աշխատանքով մշակելու համար: Այդ ամենն անելու ստիպում է գիւղացոց մէջ աշխատա-

ւոր ձեռքերի, տաւարի, երկրագործական գործիքների, սերմի, պարարտացման միջոցների և փողի պակասութիւնը։ Այս բոլորը մատակարարելու գիւղական առանձին ընտանիքներին, ի հարկէ, ոչ մի հնարաւորութիւն չկար, մինչդեռ կալւածքների մեծամասնութիւնն ունէր արդեն պատրաստի գորք։ Իսկ շատ դէպքերումն էլ Խորհուրդներն ու կոմիտէները հոգացել են կալւածքների բոլոր անհամար իրեղէնները, դրամը հետք հաշւած, այնպէս որ գա աւելի հեշտ էր քան առանձին գիւղացիներին օգնելու գործը։ Հունձից յետոյ կերեալ, թէ ինչքան գործ է արւած տեղերում այլ ուղղութեամբ. բայց որքան էլ մեծ լինի կատարւած գործը, անուամենայնիւ այդ գեռ ևս բաւական չէ չքաւորներին կարիքից փրկելու և գիւղում սոցիալիստական կարգ հաստատելու համար։

Վերջ ի վերջոյ քաղաքներից դուրս կամ գիւղական շրջաններում կեանքն այնպէս պէտք է վերաշինւի, որ ամեն մի գիւղ լինի մի անբաժան տնտեսութիւն կամ, աւելի լաւն ասած, մի վիճակալին տնտեսութեան բաժանմունք։ Այս պայմաններում միայն կարելի կլինի հասնել այն դրութեան, որ գիւղերում զինի ոչ աղբատ և ոչ հարուստ, այլ իւրաքանչիւրն ունենալ կարողաց այն ինչ որ հարեւանն ունի։ Այդ դրութեան հասնել անկարելի է միանգամից, և դրանում շահագրգուած լինել չեն կարող ներկայումս մեծ ու փոքր գիւղերում ապրող բոլոր բնակիչները։


Դիւղական վայրերում ապրող բնակիչներին կարելի է բաժանել երեք անհաւասար խմբերի — հարուստ, աղքատ և միջակ կարողութեամբ։

Առաջինները, ինչպէս և ամեն տեղ, ամենից քիչ են. դոքա սովորաբար հարուստ գիւղացիներն են, առևտրականները, խանութպանները, շաղաց ունեցողները և այլն. նոցա սովորաբար վաշխառու անունն են տալիս, եթէ նոքա, բացի այդ ամենից, վաշխառութեամբ են պարապում, օրինակ, դրամի, ցորենի փոխառութեամբ, և այդպիսով սորկացնում են շրջակայ ամբողջ բնակչութիւնը։

Խուսաստանի նահանգների մեծամասնութեան մէջ գիւղերում ամենից շատ չքաւորներն են, դոքա են զուտ պրոլետարները, մշակները, որոնք ոչ մի տնտեսութիւն չունին, և կիսապրոլետարները, որոնք թէև ունին տրնտեսութիւն, բայց այդ տնտեսութիւնը նոցա չի բաւահանացնում և ստիպում է դիմելու կողմնակի աշխատանքների իրենց տեղում, քաղաքներում և այլն։

Բայցի չունեորներից և հարուստներից կայ նաև միշակ կամ «աշխատաւոր» գիւղացիութիւն, որն ապրում և կերակրում է իր տնտեսութեամբ, մասամբ առանց վարձովի աշխատանքի, մասամբ էլ ծանր աշխատանքի միջոցին բանւորներ ու բանւորուկիներ վարձելով — օրավարձով կամ որոշ ժամանակով։ Մի քանի ծալրանահանգներում, օրինակ, Վարոնէմի, Սարատովի նահանգներում, զաղախների վիճակներում, Միբիրում այդ տեսակ միշակ կարողութեան տէր գիւղացիները գիւղական բնակչութեան մեծամասնութիւնն են կազմում։

Հարուստ գիւղացիք յեղափոխութիւնից առաջ էլ ունէին առատ հող, փող և այլ հարստութիւն, այնպէս որ յեղափոխութիւնը նոցա ոչինչ չտեղի, մանաւանդ որ



յարիզմի ժամանակ էլ նոցա չեն ճշել ոչ դաւառապետ
ներ, ոչ ստրաժնիկներ և ոչ էլ հարկեր. շատ բաներում
յեղափոխութիւնը նոյն իսկ վնասեց նոցա, որովհետեւ
հողալին կոմիտէտները իրաւունք ունեին խլել նոցանից
սահմանաւած չափից աւելի հողը, իսկ տեղական խոր-
հուրդները, բացի այդ, կարող էրն խանդարել նոցա հացի
և այլ մթերքների ու ապրանքների սպէկուլեացիալով
պարապելու:

Միջակ կարողութեան տէր զիւղացիք շահւած և
յեղափոխութիւնից և մանաւանդ կոմմունիստների ա-
ռաջացրած հոկտեմբերեան յեղափոխութիւնից, որովհետեւ
յեղափոխութիւնը տւեց նոցա հող և ազատութիւն, ա-
զատեց չինովնիկների և ոստիկանութեան կամայակա-
նութիւնից, նմանապէս «բռնի հարկապահանչից», իսկ
որ գլխաւորն է՝ ազատեց նոցա սպատերազմելու անհրա-
ժեշտութիւնից՝ բանկիլների, դրամատէրերի և կալա-
ծատէրերի շահերի համար։ Այս կարգի զիւղացին հոկ-
տեմբերեան յեղաշրջումից յետոց միայն կառարեալ հնա-
րաւորութիւն ստացաւ աղասա աշխատելու ժողովրդական
կամ աղդայնացրած (национализированный) հողի
վրայ։

զբար։ Զքաւոր զիւղացիութիւնը յանձին պրոլետարների և կիսապրոլետարների յեղափոխութիւնից ընդհանուր առմամբ ստացաւ նոյնը, ինչ որ նաև միջնակարգ զիւղացիք, բայց չքաւորները իրենց ստացածից աւելի քիչ չափով կարողացան օգտվել քան միջնակարգ զիւղացիները։ Դորա պատճառն այն է, որ նոքա կամ ամեննեին զուրկ են եղել շնչաւոր և անշունչ գույքից (տաւարից և գործիքներից), սերմից ու փողից և կամ աւելի քիչ չագործիքներից), սերմից ու փողից և կամ աւելի քիչ չա-

վույլ են ունեցել՝ քան «միշնակները»։ Այդ է պատճառը, որ չքաւորները յեղափոխութիւնից յետոյ ել մեծ մասամբ ստիպւած են «երկրպագութիւն անել» վաշխառուների և այլ հարուստների հանդեպ մեծ ու փոքր գիւղերում։ Ի հարկէ դորան պէտք է վերջ տրվի։

Հոկտեմբերեան յեղափոխութիւնը հնարաւորութիւն
է, տւել քաղաքի բանադրներին բանկերի, խոշոր արգիւ-
նաբերութեան, ճանապարհների և առուտուրի նայիոնա-
լիզացիացի (յայտարարումն իրեւ պետական տեպհակա-
նութիւն) միջոցով, իրենց ծեռքն առնելու քաղաքների
ամենազիստաւոր տնտեսութիւնը: Միևնույնը պէտք է ա-
նեն նաև չքաւորները գիւղերում, այսինքն՝ պէտք է
դառնան կեանքի տէրը: Յեղափոխութիւնից առաջ քա-
ղաքներում քաղաքային կեանքն ամբողջապէս իրենց
ձեռքն էին առել բանկիրները, դրամատէրերն ու կալ-
ածատէրերը, որոնք կատարելապէս իշխում էին բոլոր
չքաւորների վրայ: Դիւղերում ևս յեղափոխութիւնից
առաջ բոլոր չքաւորներին իրենց ծեռքն էին առել միե-
նոյն կալածատէրերը, վաշխառուները, չարչիներն և այլ
վաշխառուները:

Զքաւորների հանրապետութեան մէջ, որպիսին Ռուսաստանն է այն օրից ի վեր, երբ խորհուրդներն իրենց ձևոքը ձգեցին իշխանութիւնը, ոչ մի նման երևոյթ ալլ ևս չպէտք է տեղի ունենայ. բայց այդ չի կարելի մի անդամից իրադործել. Բացի այդ գիւղերում իրադործելը աւելի դժւար է քան քաղաքներում, այնտեղ տիրող խառըի և անզրագիտութեան պատճառով:

Գիւղերում արդարացի կեսնք ստեղծելու գործին
պէտք է, ձեռնարկին իրենք չբաւորները, որովհետև ար-

դարութեան ինդրում ամենից աւելի նոքա են շահագրգռւած։ Հարուստներն, ընդհակառակը, ամեն տեղ շտհագրգռւած են անարդարութեամբ, որ քչերն աղատ ու փարթամ կեանք վայելեն, իսկ մեծամասնութիւնը գոհ լինի իր վիճակից, որ աւելի վատթար դրութեան մէջ չէ (ի հարկէ ոչ աղքատների՝ այլ հարուստների համար)։ Գիւղերում արդարացի կեանք վերաստեղծելու համար չքաւորները պէտք է ամենից առաջ միանան իրար հետ և կազմեն «չքաւորների կոմիտէտներ»։

Քաղաքներում պլուէտարներն իրենց շահերը պաշտպանելու համար միացել՝ պլուէտասիօնալ միութիւններ են կազմել, իոկ գիւղերում պլուէտարներն ու կիսապլուէտարները ամենից հեշտ կարող են միանալ և կոմիտէներ կազմել։ Այդ միութիւնը հնարաւորութիւն կտայ նոցա պաշտպանելու իրենց շահերը վաշխառուների ամեն տեսակ բռնութեանց դէմ և ստեղծելու նոր արդարացի կեանք։ Չքաւորների կոմիտէները, օրինակ, կարող են իրենց ձեռքն առնել հողի, անտառի, հարկերի, ապրանքների, գործիքների, սերմերի, մթերքների բաշխումը։ Կարող են նմանապէս իրենց ձեռքն առնել տեղական կօպէրատիւնները, հացի մենավաճառն ու բանտօրական—գիւղացիական կառավարութեաան գանազան դեկրետներն իրականացնելու գործերը։ Բացի այդ, չքաւորների կոմիտէները պէտք է հոդ տանեն, որ տեղական կոմիտէների մէջ չ'անցնեն վաշխառուներ և այլ հարուստներ, այլ անդամ լինին չքաւոր ու միջնակարգ գիւղացիք, որովհետեւ հակառակ դէպքում չքաւորների կենտրոնական կառավարութեաան ոչ մի օրէնքը չի կատարի։ Կոմիտէները խիստ շատ դորժ ունին կատարելու,

որովհետեւ նոքա պէտք է ընդգրկեն տեղական ամբողջ կեանքը։ բայց նոցա ամենազլիսաւոր աշխատանքը պէտք է լինի կոմմունաներ կազմելու գործը, նոքա պէտք է աշխատեն գիւղական անշատ տնտեսութիւնները մի ամբողջութեան վերածել տարբեր գիւղերի և վիճակների շրջաններում։ Այդ ամենի մէջ շահագրգռւած են ներկայումս միայն չունեորները, բայց որքան յաշող ընթանայ չքաւորների կոմիտէների և գիւղական կոմմունաների աշխատանքը, այնքան աւելի կմիանան նոցա և և միջնակարգ գիւղացիք։ Վերշինները մեծ կարողութիւն չունին, այնպէս որ նոցանից շատերը, նոյն իսկ առատ տարիներում, հնաձից յետոյ կամ ծմբանը կողմնակի որևէ աշխատանքով են զբաղւում։ Միջնակարգ գիւղացիք, օրինակ, խիստ շահագրգռւած են, որ քաղաքի ապրանքները հաւասար բաշխւեն, և քանի որ այդ գործը չքաւորների կոմիտէների ծեռքում պէտք է լինի, ապա պարզ է, որ միջնակարգ գիւղացիների համար ծեռնառը է միանալ չքաւորներին և ոչ վաշխառուներին, որոնք շահ են փնտրում այն ամենի մէջ՝ ինչ որ կարելի է գնել ու վաճառել։

Արդարացի կեանքը կարելի է ստեղծել նիայն ընդհանուր ուժերով։ և եթէ չքաւորներն իրար հետ միանան հարուստները ճարահատեալ ստիպւած կլինին իրենց կարողութիւնը «ընդհանուր կաթսայի» մէջ խառնել։

III.

Կար ժամանակ, երբ մարդիկ կոմմունական կեանք են վարել, այսինքն՝ միւնոյն ցեղի կամ տոհմի բոլոր անդամները ապրել ու աշխատել են համայնական տնե-

բում և համայնական հողի վրայ, ոչ մի բան չունենալով որպէս անժնական սեպհականութիւն։ Իրենց պարզ կեանքի բոլոր միջոցները, լինի այդ որսորդութիւն, անասնապահութիւն կամ երկրագործութիւն, միւնոյն է, նոքա միասին էին ձեռք բերում, և ընդհանուր աշխատանքով ձեռք բերածը բաժանում էին իրար մէջ համայն իրենց կարիքի և նայելով՝ թէ իւրաքանչիւրին որբան կհասնի։ Այդ ժամանակի մարդկանց տիրապետութեան և ձեռքի տակ եղածը, օրինակ, որսը կամ ձուկը, հօտն ու նախիրը, հացահատիկների բերքը, անտառները, արօտավայրերն ու վարելահողերը, բնակարաններն և այլն համարւել են ընդհանուր սեպհականութիւն։ Այն ժամանակ մարդիկ չգիտէին, թէ ինչ բան է «իմն ու քոնը», այլ գիտէին «մերն ու ձերը»։

Մեզ աւելի մօտիկ ժամանակներում այդպէս էին ապրում, օրինակ, նախնի քրիստոնէաները, մանաւանդ հալածանքների շրջանում։ Նոքա ևս անձնական ոչ մի սեպհականութիւն չեն ունեցել և իրենց ունեցածին միասին են տիրել։ Նմանապէս աշխատել են միայն իրենց համայնքների կամ կոմմունաների համար և ոչ թէ իրենց անձնական շահերի համար, ինչպէս որ թէկուղ մեր ժամանակն է։ Այժմ ճիշտ միւնոյն կերպ են ապրում «դուխորոր» կոչւած աղանդաւորները, որոնք գեռ Պապէգոնոսցեան ժամանակ ստիպւած էին թողնել Ռուսաստանն և փոխադրել Ամերիկա։ Նոքա, նախկին քրիստոնեաների պէս, մասնաւոր սեպհականութիւնը մեզը են համարում և կոմմունաներով կամ համայնքներով են ապրում, միասին են տիրում իրենց բոլոր ունեցածին, այսինքն՝ հողին, տաւարին, գործիքներին, տներին, հացի

ու կանաչեղինի բերքին, նմանապէս բոլոր այն ապրանքներին, որոնք ձեռք են բերում փոխելով իրենց տնտեսութեան արդիւնքների հետ և պահում իրենց ընդարձակ շաբանարաններում։ ընդհանուր տէր են նաև փողի, որը պահում է կոմմունական գանձարկղի մէջ։

Վերցնենք մի գիւղ, որն ունի թէկուղ 50 տանտէր կամ ծուխ։ Այդ նշանակում է, որ նոյն գիւղում կամ 50 ազարակ, 50 տուն, 50 շտեմարան, գոմ կամ ախոռ տաւարի համար, նոյնքան էլ ծի, կով, սալ, գութան, նկուղ, բաղնիք, նոյնքան էլ խոհանոց և խոհանոցներում նոյնքան էլ կին։ Մի խօսքով ամեն ինչից յիսունիսուն հատ, որովհետեւ հակառակ դեպքում անկարելի է փոքր ինչ տանելի տնտեսութիւն վարել հողի վրայ։ Այդ ամենը սովորական բան է համարւում, որովհետեւ հարիւրաւոր տարիների ընթացքում ամբողջ աշխարհում մարդկացին կեանքը վարժւել—սովորել է դորան, մինչդեռ այդ ամենը մեծ շավլութիւն է ու խիստ անձեռնառ։

Եթէ իրեւ օրինակ վերցրած 50 տանտէրը գուխորներ լինելու կամ ժամանակակից հաստատ համոզւած կոմմունիստներ, նոքա 40 բակի և տան փոխարէն հաւանօրէն կրաւականացին 5 կամ 10 տնով։ Դորանովի հարկէ կստացւէր հողի և շենքերի մեծ խնայողութիւն։ Խնայած կլինէին նմանապէս բնակարանների և կոմմունների պէտք կառավարութեան ու նորոգութեան համար ալ շենքերի կառավարութեան ու նորոգութեան համար պէտք եղած աշխատանքը։ Բացի այդ, նոցա բաւական կլինէր մէկ կամ երկու շտեմարան ցորենի համար, երկու-երեք նկուղ, մէկ բաղնիք, մէկ կամ երկու շենք տաւարի համար, համապատասխան թւով նաև այլ յարմա-

րութիւններ։ Կանանց գործն էլ կթեթևանար. 50-ի փոխարէն միայն 5—10 խոհանոցի հետ գործ կունենալին։ Բայց խնայողութիւնը գորանով միայն չէր սահմանափակվ. 50 տանտիրոջ ունեցած հողի մշակութեան համար 50 գութանի փոխարէն կարելի կինէր բաւականանալ 20—30 հատով և կամ մէկ շոգեգութանով և կամ, աւելի լաւ, մէկ տրակտոր (գործիք, որով կարելի է վարել, ցանել, հնձել, հերկել, կալսել) ունենալով։ Շոգեգութանն և տրակտորը աշխատանքի մեծ խնայողութիւն են տալիս. բայց դրանք գործածել կարելի է միայն մեծ տնտեսութեանց համար և ոչ թէ գիւղական մանր մարդագլուխ բաշխած հողաբաժինների համար։ Հետեւաբար մեր օրինակում բերած 50 տանտէրը կարող կինէին շոգեգութան, տրակտոր և կալսելու շոգեմեքենայ բանեցնել այն դէպքում միայն, եթէ գուխարորների պէտ իրենց անշատ հօղամասերը «մի ընդհանուր սահմանադիր մէջ առնէին», ալմինքն՝ եթէ 50 փոքրիկ տնտեսութիւններից կազմէին մի մեծ տնտեսութիւն։

Մեր գիւղերում խիստ շատ ճող է կորչում տների, ճանապարհների և սահմանադերի համար. և որքան փոքր է տնտեսութիւնը՝ այնքան աւելի է հող կորչում։ Հետեւաբար քանի խոշոր լինի տնտեսութիւնը՝ այնքան աւելի կարելի է ունենալ հողի, նորա մշակութեան և գիւղատնտեսական գործիքների ու տաւարի խնայողութիւն։ Եթէ, օրինակ, 50 տանտէրից իւրաքանչիւրն ունի 10 դեսեատին հող, ապա ամեն մի ծի, ցարան և այլ գործիք կարող է աշխատել միայն 10 դեսեատին հողի վրայ. իսկ եթէ 50 տանտէր միասին վարեն տնտեսութիւնը՝ այն դէպքում 50-ի փոխարէն բաւական

կինէին 20—30 գութան, ցարան և այլ գործիքներ և հետեւաբար ամեն մի ձիաւն և գործիքին բաժին կ'ընկնէր 10 դեսեատինի փոխարէն 15—20 դեսեատին։

Այս դեռ ևս նորութիւն է գիւղի համար, բայց դա պէտք է լինի և չի կարող լինել։ Կար ժամանակ երբ գիւղը չգիտէր՝ թէ ինչ բան է գութանը, կալսելու և հնձելու մեքենաները, ինչ է արհեստական պարարտացումն և այլ նորմութիւններ, իսկ այժմ համարեա ամեն մի գիւղ ունի գութան, թեղը բամելու, կալսելու մեքենաներ և այլ գործիքներ։ Կար ժամանակ, երբ բայցան ու գիւղը քիչ էին տարբերուում իրարից իրանց տներով. քաղաքի տները նոյնպէս փոքր էին՝ ինչպէս և գիւղերինը։ Իսկ այժմ. պալատներ են, որոնց ահման պատճառը, ամենից առաջ, բաղաքների բազմամարդութիւնն է ու հողի թանկութիւնը։ Նոյնը այժմ գիւղերումն է. քանի գնում զգալի է գառնում նեղւածքը, այնպէս որ կամայ ակամայ պէտք կինի հողի և աշխատանքի խնայողութիւն անել։ Դորա միակ ճանապարհը—պէտք է մեծ շէնքեր կառուցանել, որպէսզի մի քանի ընտանիքներ միասին ապրեն, ինչպէս որ բաղաքներումն է, և գործադրել կատարելագործւած գործիքներ, որի համար պէտք է խոշոր տնտեսութիւններ կազմակերպել։ Այս խոշոր տնտեսութիւնները կարող են կազմակերպել կամ ստեղծել մի կողմից տեղական խորհուրդներն ու հողային կոմիտէները՝ նախկին կալսածատէրերի, հողատէրերի և այլո՛ օրինակելի կազմակերպութիւն ունեցող տնտեսութիւններից. իսկ միւս կողմից՝ ինքը տեղական բնակչութիւնը, մանր տնտեսութիւնները խոշորի վերածելով, օրինակ, կոմմունիստական տնտեսութիւններ,

միութիւններ կամ ընկերութիւններ կաղմելով։ Հենց այս գործն է, ուր ամենազլիսաւոր դերը կարող են կատարել չքաւորների կոմիտէները, որովհետև այս ստեղծագործութեան մէջ նոքա են շահագրգուած և ոչ հարուստ ները։

Գիւղատնտեսութիւնը մատակարարում է բացարձակապահ հոգու նիւթեր, որոնք կարիք ունին յետագայ վերամշակութեան. օրինակ, ցորենը պէտք է աղալ և հաց թիւել, կանաչեղէնն ու պտուղները կարելի է չորացնել, եփել, թթու դնել, նոցանից կոնսերվ պատրաստել. միսր նոյնպէս կարելի է եփել, չորացնել, ապուխտ, կոնսերվ պատրաստել և այլն: Մի խօսքով գիւղատնտեսական նիւթերը սովորաբար վաճառում են կիսապատրաստ դրութեամբ, իսկ այդ պահիս շահաւետ է թէ՛ զիւղացիների և թէ՛ սպառողների համար, քան եթէ այդ ամենը վաճառելը բոլորովին պատրաստ կամ գոնէ սովորականից աւելի պատրաստ դրութեամբ: Անշահաւետութիւնն ամենից առաջ նրանումն է, որ հում ու կիսահում նիւթերի փոխադրութիւնը մեծածաւալ լինելու պատճառով աւելի թանկ է նստում. և այդ թանկ փոխադրութեան ժախքերն, ի հարկէ, թանկացնում են նիւթերը և տուժողը միայն սպառողն է լինում: Երկրորդ՝ նիւթերը վերամշակողն ևս ինչքան լինի մի բան շահուում է ի հաշիւ աշխատողների և սպառողների: Դորանից առաջ է զալիս այն, որ բաւականին կորուստ են ունենում թէ արդիւնաբերողները զիւղատնտեսները, թէ սպառողները — նոքա, որոնք գնում են այն ամենը, ինչ որ զիւղը մատակարարում է քաղաքին:

Այս զրութիւնից խուսափելու համար մի ելք կայ. այն է՝ պէտք է ամեն ինչ տեղումը վերամշակել և բոլորովին պատրաստ քաղաք հասցնել: Այդ ամենը հնարաւոր է ոչ միայն քաղաքի մօտ գտնւող տնտեսութեանց համար, այլ և հեռու ընկածների համար, քանի որ կան երկաթուղիներ, շոգենաւեր և ապրանքատար աւտոմոբիլների հաղորդակցութիւն: Ի հարկէ դա անկարելի և քիչ շահաւետ է փոքր տնտեսութեանց և առանձին՝ ոչ մեծ գիւղերի համար. բայց միանգամայն անկրաժեշտ է այն ընդարձակ տնտեսութիւնների համար, որոնք կարող են և պարտաւոր են ստեղծել չքաւորների կոմմունաները չունեորների կոմիտեների, խորհուրդների (գիւղական և վիճակային) հետ միասին, նմանապէս հողային կոմիտեների, պարենաւորման կազմակերպութիւնների հետ, մի խօսքով տեղական խորհուրդների բոլոր բաժանմունքների հետ մէկ տեղ:

Ենթադրենք, որ կոմմունան տնտեսութիւն է վարում 2—3 հազար զեսեատին տարածութեամբ հողի վրայ. այսպիսի ընդարձակ տնտեսութեան դէպօւմ, եթէ կան նաև համապատասխան հողագործական տեխնիկական ոչժեր, գիւղական մասնագետներ, բացի երկրագործութիւնից, բանջարեղենի մշակութիւնից և այգեգործութիւնից, կարելի է զբաղւել նաև անասնապահութեամբ, թռչնաբուծութեամբ և կաթնատնտեսութեամբ: Յիշեալ տնտեսութիւնից որպէսզի կարելի լինի ըստ կարելոյն մեծ օգուտ քաղել թէ՛ արդիւնաբերողների և թէ՛ սպառողների համար, այսինքն՝ թէ՛ տնտեսութեան մէջ աշխատողների և թէ՛ պատրաստի նիւթերը գնողների համար, ամենից լաւն է, որ բոլոր նիւթերը իրենց

տեղում վերամշակւին և տնտեսութիւնից գործաժութեան յանձնւին միայն պատրաստի ձեւով։ Դորա համար՝ հում նիւթը վերամշակելու նպատակով՝ տնտեսութիւնը պէտք է ունենայ, օրինակ, սեպհական ջաղաց, փուռ, կոնսերվի գործարան, կանաչեղէնն ու պատողները չորացնելու տեղ, կոլրասի, պանրի, շաքարեղէնի և մակարոնի գործարաններ և այլ յարմարութիւններ։ Տնտեսութեան այսպիսի կազմակերպութեան օգուար կլինի այն, որ կարեք չի լինի թանկ գնով փոխադրել ոչ ցորենը, ոչ խոսը, ոչ միսը, ոչ թռչունները, ոչ կաթնեղէն և այլ հում նիւթերը։ Դոցա փոխարէն կարելի է քաղաք փոխադրել— ջաց, պակսիմատ կամ բիսկվիտ, կանաչեղէն, մրգեղէն, մսեղէն և կաթնեղէն կոնսերվներ, պանիր, թանձրացրած կաթ, մակարոն, կոլպաս, չորացրած սուպ, բորշ, ապուր, միրզ և կանաչի, շաքարեղէն, շաքարահաց և այլն։ Այս բոլորի փոխադրութիւնն աւելի յարմար է ու էժան, քան հում նիւթերի փոխադրութիւնը։ Նմանապէս աւելի յարմար ու ձեռնտու է նոցա պահպանութիւն տեղի և չփչանալու տեսակէտից։

Բայց շահաւետութիւնը զրանով միայն չի վերջանում։ Գիւղատնտեսական հում նիւթերի պատրաստութիւնը կամ մշակումը կարիք պէտք է զգայ որևէ մեքենաշարժ ոլժի, օրինակ, ջրի, գոլորշու, էլէքտրականութեան, միւնոյն մեքենաշարժ ոլժերը պէտք են նաև հողը մշակելու համար, օրինակ, ոռոգելու կամ շրելու համար, հողը պարարտացնելու կամ բոլսերի անումն արագացնելու համար (էլէքտրականութիւն), կալսելու գործիքները, գութանն ու տրակտորները և այլն բանեցնելու համար, նմանապէս էլէքտրական լուսաւորութեան

և գիշերային աշխատանքների համար, փոխադրութեան համար և այն ինքն ըստ ինքեան հասկանալի է, որ երբ միւնոյն մեքենաշարժ ոլժերը (ջուրը, գոլորշին և էլէքտրականութիւնը) միաժամանակ գործադրում են թէ հողը մշակելու և թէ նիւթերը վերամշակելու համար, այդ գէպքում նոցանից աւելի մեծ չափով է օգուտ ստացւում, քան եթէ գործադրում են կամ միայն հողագործութեան, կամ միայն ինդուստրիալի (Փարզիկաների և գործարանների) համար, և այս գէպքում ամեն մի ապրանք աւելի էժան է նստում։

Բուրժօտական կարգի ժամանակ ամեն մի հողատէր, նոյն իսկ աւելի մեծ կալւածքներ ունեցող քան մեր բերած օրինակն է, շատ էլ չի ընկնում մեր յիշած օգուտ ների յետելից, որովհետեւ նոցանից իւրաքանչիւրը բաւականանում է որոշ շահով, իսկ աւելին՝ նորա պէտքն էլ չէ։ Իսկ Խորհուրդների իշխանութեան ժամանակ, որը լիկվիդացիալի է ենթարկում կամ ոչնչացնում է կապիտալիստական տնտեսութիւնը և դորա փոխարէն ամբողջ պետութեան մէջ կազմակերպում ստեղծում է նորը՝ հասարակականը, այդ օգուտները պէտք է խիստ աչքի առաջ ունենալ։ մանաւանդ աչքի առաջ պէտք է ունենալ ժողովուրդը ամբողջութեամբ վերցրած։ Ժամանակ է արդէն, որ գիւղացիներն ու բանտօրները, առհասարակ Ռուսաստանի ամբողջ բնակչութիւնը ընտելանան այն մտքին, թէ պետութիւնը պէտք է մի ամբողջական տնտեսութիւն լինի։ Պետութեան վրայ այդպիսի հայեացը ունենալու գէպքում պարզ կդառնայ, որ պետութիւն կոչւած տնտեսութեան մէջ որքան աւելի խուսափեն զանազան մեծածաւալ իրերի փոխադրութիւններից,

ալնքան աւելի շահաւետ կլինի բոլորի համար, որով փոխադրութիւններից խնայած ոյժն ու միջոցները կարելի կլինի գործադրել որևէ ուրիշ գործի համար, օրինակ, արդիւնաբերութեան, հանգստի, լուսաւորութեան համար և այլն:

Ուսւաստանն արդէն ծածկւել է խորհուրդների ցանցով. նոյն կերպ պէտք է ծածկւի նաև չքաւորների կոմիտէների և գիւղատնտեսական կոմմունաների ցանցով։ Դորանով միայն հնարաւոր կլինի արագութեամբ կարդի քերն զիւղերի ու քաղաքների տնտեսութիւնն և ուահմանել ապրանքների կանոնաւոր փոխարինութիւն քաղաքի և գիւղի բնակիչների միջև։ Դորա հետեանքը կլինի բոլոր նիւթերի և ապրանքների հաւասար բաշխումը և ապա դրամի գործադրութեան կատարեալ վերացումը, որովհետև ամբողջ պետութիւնը կդառնայ մի տնտեսութիւն բազմաթիւ բաժանմունքներով։ Իսկ մի տնտեսութեան մէջ կարելի է նաև առանց փողի կառավարւել։

Այս ամենը կոմմունիստների կամ նոցա դեկավարների հնարամը չէ, այլ «Երկաթէ անհրաժեշտութիւն» է. նոյն անհրաժեշտութեան օրէնքով գիւղացիք հեռու անցեալում ստեղծել են հողի համայնական տիրապետութիւնը հողագործութեան զանազան սիստեմներով, վերաբաժանման և ապա ծխալին և ազարակային տընտեսութեան սխտեմներով։ Պատերազմը քայլայել է ազգերը և սիփառում է նոցա ելք ու միջոց որոնել թեթևացնելու իրենց կեանքը, իսկ դորա համար դոյլութիւն ունի միայն մի միջոց—սոցիալիզմ կամ կոմմունիզմ։ Կոմմունիստներն ել հենց կոչ են անում քաղաքների և գիւղերի չքաւորներին, որ կոմմունաներ (հա-

մայնքներ) կազմեն, որովհետև դոցա միջոցով միայն կարելի է ազաւել աղքատութիւնից և հարուստների ստրկութիւնից։ Քաղաքներում կոմմունաների համար արդէն գոյութիւն ունին պատրաստի ձեւեր, որպիսիք են, օրինակ, Փարբեկաներ, գործարաններ, երկաթուղիներ, երեքարաքարներ, շոգենաւային ընկերութիւններ և այլն. իսկ գիւղերում, բացի գրաւած կալւածքներից, համարեա ուրիշ ոչինչ չկայ, ուստի և պէտք է լինում ամեն ինչ նորից ստեղծել, հիմնաքարից սկսել։ Եւ այդ հիմնաքարը կարող են լինել չքաւորների կոմիտէները։ Գործը նոր է, բարդ ու գժւարին. բայց գիւղական համայնքն էլ իւր վերաբաժանումներով մի օրւայ ու մի տարւայ մէջ չի ստեղծւել։ Այժմ պայմաններն անհամեմատ լաւ են, քան երբ և իցէ, որովհետև այժմ չքաւոր գիւղացիութեան օգնել կարող են՝ պոշտը, հեռագիրը, շողենաւը, երկաթուղին, լրացիրը, սոցիալիստական կուսակցութիւնները (ոչ բոլորը) և կոմմունիստները։ Հետեաբար կոմիտէների և կոմմունաների կազմակերպութեան գործը ներկայումս անհամեմատ աւելի արագ քայլերով կարող է ընթանալ, քան մի ժամանակ գիւղական համայնքի կազմութիւնը, երբ գիւղերում նոյն իսկ հանապարհներ չեն եղել, իսկ մարդիկ մտքերովն անգամ չեն անցրել՝ թէ կարող են երբ և իցէ զրագետ լինել։



„ՀԻՒՄԱԿԱՍՏԵՐԻ ԿԱՄՄՈՒՆԱՑ“-Ի ԳՐԱԴԱՐԱՆ

ՀՈՅՍ ԵՆ ՏԵՍԵԼ:

1. Վատին. — Խնձ բան է կոմմունան: Գինն է 60 կ.
2. Քիյ. — Դիւղական կոմմունա: Գինն է 70 կ.
3. „ — Դիւղական համալրից գեղի սոցիալիստական կոմմունա: Գինն է 1 ը.

Տպագրաւում է՝

1. Քիյ. — Դիւղական համալրից գեղի սոցիալիստական կոմմունա:

Պատրաստաւում են ապագրութեան համար՝

1. Կառլիկի. — Սոցիալիզմի պատմութիւնը:
2. Բարեօփ. — Հաւատարութիւն պահանջողների վարդապետութիւնը:
3. Թոմին-Թոլան. — Ժողովրդական թատրոն:

ՀԱՅԱԿԱՆ ԳՈՐԾԵՐԻ ԿԵՆԴՐՈՆԱԿԱՆ ԿՈՄԻՍԱՐԻԱՏԻ

ՀՐԱՏԱՐԱԿԱԹԻՒԹԻՒՆՆԵՐԸ ՄԹՍԿԻԱՑՈՒՄ

ՀԱՅԱ ԵՆ ՏԵՍԵԼ:

1. Թուս. Սոց. Ֆեդ. Խորհրդների Հանրապետութեան
Սահմանադրութիւնը:
2. Ն. Լինին. — Նամակ Ամերիկան Բանւորներին:
Դինն է 1 ր.
3. Վ. Փրիչէ. — Պրոլետարական պոկղիան: Դինն է 2 ր.
4. Ներհակ. — Դեպքերը Բազւում (Հայ Յեղ. Դաշ-
նակցութիւնը և Բազւի Խորհրդային Եշխանու-
թիւնը): Դինն է 75 կոպ.
5. Զիշերին. — Բրեստից Հետոյ (Զեկուցում Խորհրդա-
ների 5-րդ Համազումարին): Դինն է 1 ր.
6. Ն. Լենին. — Կարլ Մարքս (Համառօտ կենսագրու-
թիւնը և ձարքսիզմի շարադրութիւնը): Գ. 1 ր. 50 կ.
7. Ներհակ. — Ռուսաստանի Յեղափոխութիւնը և
պրոլետարիատի տակտիկան: Դինն է 1 ր.

-
9. Խորհրդային Կառավարութեան նոտան Վիլսոնին:
Դինն է 75 կոպ.
 10. Մ. Պալուիլի (Պելտման). — Ասիսն և իր դերը
Համաշխարհային պատերազմի մէջ:

ՀԱՅԱԿԱՆ ԿՈՄԻՍԱՐԻԱՏԻ ՊԵՏԵՐԲՈՒՐԳԻ ԲԱԺԱՆՄՈՒՆՔԻ
ՀՐԱՏԱՐԱԿՈՒԹԻՒՆՆԵՐԸ

1. Վատին. — Ինչ բան է կոմմունան: Դինն է 60 կ.
2. Քիյ. — Դիւղական կոմմունա: Դինն է 70 կ.
3. .. — Դիւղական Համայնքից դեպի սոցիալ-
տական կոմմունա: Դինն է 1 ր.

ՀՀ Ազգային գրադարան



NL0196530

